



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



Comunu de Serramanna

# Crèsia de Santu Sebastianu



Sa crèsia de S. Sebastianu fiat stètia fraigada in su sèculu de XVI in stili de su Rinascimentu comenti a òpera votiva a pustis de una pestilèntzia. In su 1831, cun s'arribu de is paras Domenicanus, fiat stètia aciunta a is propiedadis de su Cunventu.

Fiat stètia scioberada comenti a sea de sa Cunfraria de sa Madonna de su Rosàriu, e is cumponentis fiant tzerrius cunfradis biancus po mori de sa besti issoru. Custa Cunfraria fiat acapiada a su cultu de sa Madonna de su Rosàriu e acumpangiàt in s'interis de sa professoni de Pasca Manna su bultu de sa Madonna.

A pustis de sa partèntzia de is Domenicanus in su 1858 sa crèsia iat sighiu a essi sea de sa Cunfraria. Me in is primus annus '30 fiat stètia impreada comenti a Parròchia. Apustis est stètia impreada po impreus meda: refetòriu de is scolas e spàtziu po fai cosas meda.



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



Comunu de Serramanna



Sa fatzada, cun is lìnias simpris, podit essi acostada a su stili de su Rinascimentu. Su portali est ingurnisau de una curnisa aguantada de cònsolas e acabat cun unu frontoni clàssicu cun ventana a afantàlliu. Su campanili eleganti a vela tenit una campana. Su fundu presentat duas navadas separadas de pilastrus de matonis, in s'òrigini arrebusaus. S'imbussadura est a intrainaduras de linna. In orìgini sa strutura fiat meda prus manna: sa crèsia e sa sagrestia fiant acotzadas s'una a s'àtera e, in càmbiu de s'atuali spiatzu lastricau, s'agatàt su presbitèriu, artziau de unus cantu scalinus, a custu s'atzediat po mèdiu de unu arcu triunfali. Aintru s'agatàt unu altari in muradura e linna sìмили a is chi fiant dedicaus a S. Antoni e S. Maria de sa crèsia de S. Labardu. Ddoi fiant stàtuas de linna a cannuga (cun telàrgiu in cannas), intre custas si signalant unu S. Antìogu oramai pèrdiu e de is chi esistint, sa Madonna de s'incontru e sa Vèrgini de su Rosàriu chi est sa matessi chi fiat stètia bitida a coddu de is membrus de sa Cunfraria sa diri de s'insediamentu de is Domenicanus a Serramanna, candu iant postu sa primu pedra.

PROGETU FINANTZIAU CUN SU DINAI DE SA  
REGIONE AUTÒNOMA DE SARDIGNA CUNFORMA  
A SA L. 482/99 E A SA L.R. 22/2018.